



ATASSUT INATSIARTUNI

ATASSUT

UKA 2013/78-1

Siverth K. Heilmann

16.10.13

Atuarfik pillugu Inatsisartut inatsisaat nr. 15, 3. december 2012-imeersumi § 25, imm. 4-imi aamma § 36, imm. 1-imi aalajangersarneqartut naapertorlugit meeqqanut inuusuttunullu inerikkiartornermikkut kingusissunut nerisaqarfigiutigalugu atuarfittut immikkut ilusiligaasumik sulii ataatsimik pilersitseqqullugit ingerlatseqqullugillu Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Agathe Fontain, Inuit Ataqtigiit)

Inuit Ataqtigiit sinnerlugit Inatsisartuni ilaasortaq Agathe Fontain matumani siunnersuuteqarpoq meeqqanut inuusuttunullu inerikkiartornermikkut kingusissunut nerisaqarfigiutigalugu atuarfittut immikkut ilusiligaasumik atuarfiit ataatsimik ilaneqassasut.

Siunnersuuteqartup siunertaa ATASSUT-mit paasilluarsinnaavarput, ilumoorpormi meeqqat inuusuttullu immikkut atuartinneqartariaqartut ullumikkumit pitsaanerusumik siunnerfeqarnerusumik aammalu angusaqarfiginerusassaannik atuartuunerminni avatangiiseqartinneqarlutillu ilinnialernissaminnut sakkussaminnik pissarsivissaannik inerisaasoqartariaqartoq.

Naalakkersuisut siunnersuummut atatillugu akissutaanni pisariaqartitsinerup annertussusaanik ilisimasat annikippallaarsorineqarput, ilisimasat annertusarneqarnissaannik aammalu siunnerfilimmik oqaloqatigiittoqarnissaanik siunnersuut manna aallaavigalugu pisariaqartitsoqartoq ATASSUT-mit naliliivugut, taamaammallu matumuuna inassutigissavarput siunnersuut akuersaartumik suliarineqassasoq aappassaaneerseqartinnagulu Inatsisartut Kultureqarnermut, Ilinniartitaanermut Iisimatusarnermut Ilageeqarnermullu Ataatsimiititaliaannut suliaassanngortinneqassasoq.